



SIPÈVIZÈ ELEKSYON, KONTE MIAMI-DADE, FLORID

RÈGLEMAN POU SOUMÈT BILTEN VÒT POU MOUN KI PAP LA (Efektiv Janvye 2006)

Règleman sa yo aplikab a eleksyon kote Depatman Eleksyon Miami-Dade administre retou bilten vòt moun ki pap la yo.

Bilten vòt moun ki pap la yo fèt pou soumèt konsa:

1. **AN PÈSÒN** – Yon votè ki resevwa yon bilten vòt moun ki pap la pa lapòs gen dwa pote bilten vòt pa li remèt Depatman Eleksyon Miami-Dade nan **2700 NW 87th Avenue, Doral, FL 33172** oswa Biwo Sikisal Depatman Eleksyon an ki chita nan lobi bilding Stephen P. Clark Center, **111 NW 1st Street** pa pita ke 7:00 pm Jou Eleksyon an.
2. **PA LAPÒS** – Yon bilten vòt pou moun ki pap la gen dwa soumèt pa Sèvis Lapòs Etazini tou.
3. **PA YON REPREZANTAN VOTÈ AN** - (*Limite a de bilten vòt pa eleksyon, se yon sèl ki dwe pou yon votè ki pa mari/madanm, papa/manman, pítit, granparan oswa frè/sè reprezantan an*). Reprezantan votè an gen dwa remèt bilten vòt pou moun ki pap la a nan Depatman Eleksyon Miami-Dade **2700 NW 87th Avenue, Doral, FL 33172** oswa Biwo Sikisal Depatman Eleksyon an ki chita nan lobi bilding Stephen P. Clark Center, **111 NW 1st Street**, jou anvan oswa menm jou eleksyon an si reprezantan votè sa a se yon manm fanmi pre li epi si reprezantan an pa yon manm fanmi pre li se nan jou eleksyon an sèlman pou li remèt li. Se pou reprezantan an vini ak yon kat didantite ak foto sou li plis yon deklarasyon alekri de votè an ak enfòmasyon sa yo sou li:
 - a. Non votè an ekri an gwo lèt
 - b. Nimewo telefòn votè an lajounen
 - c. Dat nesans votè an
 - d. Enfòmasyon nimewo kat enskripsyon (pa obligatwa)
 - e. Non moun kap remèt bilten vòt moun ki pap la
 - f. Si votè an se yon manm fanmi pre reprezantan an, rezon pouki votè an bezwen yon moun vini soumèt bilten vòt moun ki pap la a pou li
 - g. Si votè an pa yon manm fanmi pre reprezantan an, reprezantan an fèt pou li prezante yon deklarasyon siyen pa yon doktè sou papye ak antèt biwo doktè an ki bay esplikasyon ijans medikal pou votè an oswa fanmi votè an, epi ki di pouki votè an pa kapab vini vote nan biwo vòt la epitou pa kapab vini remèt bilten vòt moun ki pap la a an pèsòn
 - h. Siyati votè an
4. **NAN BIWO VÒT YO** - Yon votè ki vle vote an pèsòn gen dwa vote oswa pa vote yon bilten vòt moun ki pap la nan biwo vòt liyan. Bilten vòt li soumèt lan va make "anile" pa asanble eleksyon an. Yon votè ki vle vote an pèsòn, men **pa** remèt bilten liyan nan biwo vòt lan, ap gen dwa vote nan kondisyon sa yo sèlman:
 - a. Asanble eleksyon an konfime ke yo pa resevwa bilten vòt moun ki pap la votè an e
 - b. Si asanble eleksyon an pa kapab detèmine si yo resevwa ou pa resevwa bilten vòt moun ki pap la vote an, lap kapab vote yon bilten vòt pwovizwa.